



অবিলম্বে প্রকাশের উদ্দেশ্যে: ৮/৫/২০২১

গভর্নর অ্যান্ড্রু এম. কুওমো

নিরাপদ, সুরক্ষিত উপায়ে পর্যটন এবং ব্যবসায়িক ভ্রমণের সুযোগ ফিরিয়ে আনায়
সহায়তা করতে গভর্নর কুওমোর এক্সেলসিওর পাস প্লাসচালুর ঘোষণা

নিউ ইয়র্কে সাফল্য লাভকারী দেশে প্রথমবারের মতো চালু হওয়া এই প্ল্যাটফর্মটি এখন
অন্যান্য স্টেট এবং বিপ্লবী দেশ ও ব্যবসা প্রতিষ্ঠান দ্বারা স্বীকৃত নতুন একটি
পাসের অপশন অফার করছে

এক্সেলসিওর পাসের সফলতার উপর গড়ে উঠার পর - এখন পর্যটন ৩ মিলিয়নের বেশি
পাস প্রদান করা হয়েছে

প্রথমবারের মতো এই ধরনের অংশীদারিত্বে অংশ নিয়ে আমেরিকান এয়ারলাইন্স
(American Airlines) ভ্রমণের ক্ষেত্রে এক্সেলসিওর পাস প্লাস আপলোড করা হলে
ভেরিফ্লাই (VeriFLY) তা গ্রহণ করবে

ব্রডওয়ে থিয়েটার (Broadway Theaters), পাবলিক থিয়েটারের ফ্রি শেকসপিয়ের ইন
দ্য পার্ক (Public Theater's Free Shakespeare in the Park), এবং লিংকন সেন্টারের
মেট্রোপলিটন অপেরা (Metropolitan Opera) ইভেন্টে এন্ট্রির জন্য এক্সেলসিওর পাস
ব্যবহার করছে; ম্যারিয়ট (Marriott) নিউ ইয়র্কে এর 200টিরও বেশি ভবনে মিটিং
প্ল্যানারদের জন্য ইভেন্ট আয়োজন করার ক্ষেত্রে এক্সেলসিওর পাসের সমাধান
ব্যবহারের অফার দেবে

৩ মিলিয়নেরও বেশি পাস প্রদানকারী এবং টিকাগ্রহণ অথবা নেগেটিভ ফলাফলের ডিজিটাল
প্রমাণ সরবরাহকারী নিউ ইয়র্ক স্টেটের এক্সেলসিওর পাস প্ল্যাটফর্ম, এবং [VCI](#) নামক একটি
আন্তর্জাতিক কনসোর্টিয়াম এর তৈরি করা উচ্চমানের নিরাপত্তাবিশিষ্ট, বৈশ্বিকভাবে স্বীকৃত
[স্মার্ট হেলথ কার্ডস ফ্রেমওয়ার্ক \(SMART Health Cards Framework\)](#) এর মধ্যে সমন্বয়ের
মাধ্যমে নিউ ইয়র্কবাসীদের জন্য ভ্রমণ ও বাণিজ্যের সুযোগ সম্প্রসারিত করার উদ্দেশ্যে
গভর্নর অ্যান্ড্রু এম. কুওমো আজ এক্সেলসিওর পাস প্লাসচালুর ঘোষণা দিয়েছেন। এর মধ্যে
অন্তর্ভুক্ত রয়েছে ডাওন (Daon) এর ভেরিফ্লাই (VeriFLY) এর সাথে দেশে প্রথমবারের মতো
সম্পাদিত অংশীদারিত্ব, যার মাধ্যমে এক্সেলসিওর পাস প্লাস ব্যবহারকারীরা তাদের ঘাচাইকৃত
কোভিড-১৯ (COVID-19) টিকাগ্রহণের রেকর্ড নিরাপদে ভেরিফ্লাই (VeriFLY) এ আপলোড
করতে পারবেন, এবং আমেরিকান এয়ারলাইন্স (American Airlines) ব্যবহার করে গ্রিস, ফ্রান্স,

স্পেন, ইতালি, ও বাহামাতে, এবং কানেক্টিং ফ্লাইটের মাধ্যমে এল সালভাদর, জার্মানি, গুয়াতেমালা, হন্ডুরাস, ও পুয়ের্তো রিকোতে ভ্রমণ করতে পারবেন। আরো বেশি দেশে যাতায়াতের জন্য অংশীদারিত্ব গড়ে তোলার প্রচেষ্টা অব্যাহত থাকায় এই তালিকা আরো বড় হতে থাকবে।

নিউ ইয়র্কবাসীরা টিকাগ্রহণের প্রমাণ দেখানোর প্রয়োজন হয় এমন শতাধিক ব্যবসা প্রতিষ্ঠান ও লোকেশনের পাশাপাশি [স্মার্ট হেলথ কার্ড \(SMART Health Cards\)](#) গৃহীত এমন জায়গায় ভ্রমণের ক্ষেত্রে তাদের এক্সেলসিওর পাস প্লাস দেখাতে পারবেন। নিউ ইয়র্ক স্টেট এবং VCI-এর মধ্যকার কৌশলগত অংশীদারিত্বের ফলস্বরূপ এই এক্সেলসিওর পাস প্লাস নিউ ইয়র্কবাসীদের [স্মার্ট হেলথ কার্ডস ফ্রেমওয়ার্ক \(SMART Health Cards Framework\)](#) ব্যবহার করে তাদের কোভিড-19 টিকাগ্রহণের রেকর্ডের একটি সুরক্ষিত, ডিজিটাল কপি নিরাপদে অ্যাক্সেস করার সুযোগ করে দিবে - যা তাদের আন্তঃস্টেট এবং আন্তর্জাতিকভাবে ভ্রমণ ও বাণিজ্যের অভিজ্ঞতাকে আরো নিরাপদ, সংস্পর্শবিহীন, এবং আরো বেশি সাবলীল করে তুলবে।

“এক্সেলসিওর পাস নিউ ইয়র্কবাসীদেরকে তাদের প্রিয় মানুষ এবং প্রিয় জিনিসগুলোর কাছে ফিরে যাওয়ার সক্ষমতা প্রদানের সাথে সাথে আমাদের অর্থনীতিকে পুনরুদ্ধারের দিকে এগিয়ে নিতে সাহায্য করছে” **বলেছেন গভর্নর কুওমো।** “এক্সেলসিওর পাস প্লাস এটিকে আরো সামনে এগিয়ে নিবে, এবং এটি আমাদের টিকাদান যাচাইকরণ প্রচেষ্টাকে নিরাপদে পরবর্তী পর্যায়ে নিয়ে যাওয়ার বিস্তৃত প্রতিশ্রুতির অংশ। ১ম দিন থেকে, আমরা বলে আসছি যে ‘জনস্বাস্থ্য নাকি অর্থনীতি’ এই প্রশ্নটি একটি ভুল পছন্দ - সঠিক পছন্দ হলো উভয়টি এবং সবসময় অবশ্যই তাই থাকবে, এবং মহামারী থেকে এগিয়ে থাকার জন্য বিজ্ঞানকে কাজে লাগানোর এই সময়ে, নিউ ইয়র্কবাসীরা এবং নিউ ইয়র্কের ব্যবসা প্রতিষ্ঠানগুলো যাতে সমৃদ্ধি লাভ করতে পারে তা নিশ্চিত করতে আমরা আমাদের হাতিয়ার উদ্ভাবন করা অব্যাহত রাখবো।”

স্টেটের সফল এক্সেলসিওর পাস সমাধানের উপর ভিত্তি করে গড়ে তোলা, এক্সেলসিওর পাস প্লাস এটির ব্যবহারকে সম্প্রসারিত করেছে, যা পর্যটন ও ব্যবসায়িক ভ্রমণ — স্টেটের অর্থনীতির প্রধান চালিকাশক্তি — নিরাপদে ও সুরক্ষিতভাবে ফিরিয়ে আনতে সহায়তা করবে এবং হারিয়ে যেতে পারে অথবা চুরি হয়ে যেতে পারে এমন ফিজিক্যাল কার্ডের তুলনায় অধিকতর নিরাপত্তার বৈশিষ্ট্য নিয়ে একটি CDC ভ্যাকসিনেশন কার্ড (CDC Vaccination Card) এর সমর্পণের তথ্য ও বৈধতা রয়েছে এমন একটি পাসের অপশন সরবরাহ করছে যেটি নিউ ইয়র্ক স্টেট কর্তৃক যাচাইকৃত।

VCI নামক 570টি সরকারি ও বেসরকারি সংস্থার একটি স্বেচ্ছামূলক জোটের সাথে অংশীদারিত্বের ভিত্তিতে এক্সেলসিওর পাস প্লাস তৈরি করা হয়েছে—এই জোটের মধ্যে [দ্য মায়ো ক্লিনিক \(The Mayo Clinic\)](#), [MITRE](#), [বস্টন শিশু হাসপাতাল \(Boston Children's Hospital\)](#), মাইক্রোসফট (Microsoft), এবং [দ্য কমনস প্রজেক্ট ফাউন্ডেশন \(The Commons Project Foundation\)](#) ইত্যাদি অন্তর্ভুক্ত রয়েছে—যা ইতোমধ্যে ক্যালিফোর্নিয়া, লুইজিয়ানা, ও হাওয়াই এর মত স্টেটগুলোতে ব্যবহৃত হওয়া ওপেন-সোর্স [স্মার্ট হেলথ কার্ডস ফ্রেমওয়ার্ক \(SMART Health Cards Framework\)](#) এবং স্পেসিফিকেশন-এর ডেভেলপমেন্ট ও বাস্তবায়নের ক্ষেত্রে নেতৃত্ব দিয়ে থাকে। টু-ফ্যাক্টর অথেন্টিকেশন নিরাপত্তা ব্যবহার করে এক্সেলসিওর পাস প্লাস প্রত্যেক ব্যক্তিকে তাদের নিজেদের টিকাগ্রহণের রেকর্ডের কাগজের বা ডিজিটাল ধরনের

একটি বিনামূল্যের, বিশ্বাসযোগ্য, ব্যক্তিগত গোপনীয়তা রক্ষাকারী, এবং যাচাইযোগ্য কপির অ্যাক্সেস দেয়ার স্টেটের প্রতিশ্রুতিকে সম্প্রসারিত করেছে, এবং বিশ্বব্যাপী যাচাইযোগ্য হেলথ ক্লিনিকেল ডাটা - ইস্যু করার জন্য প্রয়োজনীয় মানদণ্ডগুলোর সাথে সমন্বয় রক্ষা করে। বর্তমানে বিশ্বব্যাপী 50টিরও বেশি দেশ যুক্তরাষ্ট্রের ভ্রমণকারীদের কোভিড-19 টিকাগ্রহণের প্রমাণ দেখানো সাপেক্ষে প্রবেশ করার সুযোগ দিচ্ছে।

রিক কটন, নিউ ইয়র্ক ও নিউ জার্সির বন্দর কর্তৃপক্ষের (Port Authority) এক্স্রিকিউটিভ ডিরেক্টর বলেন: "গভর্নর কুওমোর নিউ ইয়র্ক স্টেট এবং ভেরিফ্লাই (VeriFLY) এর মধ্যে প্রথমবারের মতো এই ধরনের অংশীদারিত্ব সম্পন্ন হওয়ার ঘোষণা আমাদের আঞ্চলিক অর্থনীতির দুইটি স্তৰ, পর্যটন ও ব্যবসায়িক ভ্রমণ পুনরায় শুরু করার ক্ষেত্রে অত্যন্ত গুরুত্বপূর্ণ একটি পদক্ষেপ যা ভ্রমণকারীদের দেশের বাইরে ভ্রমণের জন্য এক্সেলসিওর পাস প্লাস ব্যবহারের সুযোগ করে দিবো এক্সেলসিওর পাস প্লাস চালু হওয়া এবং ভেরিফ্লাই (VeriFLY) এর সাথে অংশীদারিত্ব এই মহামারীর সময়জুড়ে ভ্রমণকারীদের নিরাপদে ও সুরক্ষিতভাবে বিমান ভ্রমণ করার আত্মবিশ্বাস জোগানোর জন্য নিউ ইয়র্ক এবং নিউ জার্সির বন্দর কর্তৃপক্ষের (Port Authority) বহুমুখী প্রচেষ্টাকে জোরদার করেছে।"

দ্য কমনস প্রজেক্ট (The Commons Project) এর সহ-প্রতিষ্ঠাতা, কর্নেল টেক (Cornell Tech) এর সিনিয়র গবেষক, এবং VCI-এর একজন কো-লিডার, জেপি পোলাক বলেন: "এক্সেলসিওর পাস প্লাস এর জন্য স্মার্ট হেলথ কার্ড (SMART Health Cards) এবং উন্মুক্ত মানদণ্ড ব্যবহার করাটা সব মানুষের জন্য বিশ্বাসযোগ্য স্বাস্থ্য তথ্যের লভ্যতার দিকে একটি বৃহৎ পদক্ষেপ," বলেছেন দ্য কমনস প্রজেক্ট (The Commons Project) এর সহ-প্রতিষ্ঠাতা, কর্নেল টেক (Cornell Tech) এর সিনিয়র গবেষক, এবং VCI-এর একজন কো-লিডার, জেপি পোলাক। "এবং নিউ ইয়র্কের একজন বাসিন্দা হিসেবে, আমি যেকোনো জায়গায় গিয়ে আমার ব্যক্তিগত গোপনীয়তার সাথে আপোষ না করেই নির্ভরযোগ্যভাবে আমার স্বাস্থ্যের অবস্থা প্রদর্শন করার সক্ষমতা পেয়ে কৃতজ্ঞ বোধ করছি। এটি আমাদের ন্যায্য স্টেটের নিরাপদে পুনরায় খোলা এবং পুনরুদ্ধারের দিকে এগিয়ে যাওয়ার ক্ষেত্রে আরো একটি গুরুত্বপূর্ণ পদক্ষেপ।"

গভর্নর কুওমোর মার্চ মাসে চালু করা এক্সেলসিওর পাস হলো যুক্তরাষ্ট্রে প্রথমবারের মতো লভ্য এই ধরনের একটি পাস, যা স্টেটের পুনরায় খোলা, যেমন খাবার কেন্দ্রিক পরিষেবাসমূহ, বিনোদন, ও আতিথেয়তা ইত্যাদি পুনরায় চালু হওয়া ত্বরান্বিত করার উদ্দেশ্যে কোভিড-19 এর টিকাগ্রহণের অথবা পরীক্ষায় নেগেটিভ ফলাফলের ডিজিটাল প্রমাণ উপস্থাপন করার একটি বিনামূল্যের, দ্রুত, ও নিরাপদ উপায়। নিউ ইয়র্কের সর্ববৃহৎ স্টেডিয়ামগুলোর মধ্যে কয়েকটি যেমন ম্যাডিসন স্কয়ার গার্ডেন, বার্কলেস সেন্টার, এবং ইয়াংকি স্টেডিয়ামে সফলভাবে গৃহীত হওয়ার পরে কয়েকটি প্রধান পর্যটন স্থান এবং ইভেন্টের ভেন্যু, যেমন ব্রডওয়ে থিয়েটার (Broadway Theaters), পাবলিক থিয়েটারের ফ্রি শেকসপিয়ের ইন দ্যা পার্ক (Public Theater's Free Shakespeare in the Park), এবং লিংকন সেন্টারের মেট্রোপলিটন অপেরা (Metropolitan Opera) ইত্যাদি সম্প্রতি প্রবেশের জন্য প্রমাণ হিসেবে এক্সেলসিওর পাস ব্যবহারের ঘোষণা দিয়েছে। এছাড়াও ম্যারিয়ট ইন্টারন্যাশনাল (Marriott International) নিউ ইয়র্কে এর 200টিরও

বেশি ভবনে মিটিং প্ল্যানারদের জন্য ইভেন্ট আয়োজন করার ক্ষেত্রে এক্সেলসিওর পাস ব্যবহারের সুযোগ রাখবে।

স্টেটের সব কর্মীকে—প্রায় 130,000 জনকে—অবশ্যই টিকা নিতে হবে অথবা সাম্প্রাহিক ভিত্তিতে পরীক্ষা করাতে হবে বলে গভর্নর [28 জুলাই তারিখে ঘোষণা](#) দেয়ার পরেই এই এক্সেলসিওর পাস প্লাস চালু করা হচ্ছে। স্টেটের পরিচালনাধীন হাসপাতালগুলোতে রোগীদেরকে সেবা দিচ্ছেন এমন সব স্বাস্থ্যসেবা কর্মীকে অবশ্যই টিকা নিতে হবে। এক্সেলসিওর পাস এবং পাস প্লাস উভয়টি প্রমাণের ধরন হিসেবে গৃহীত হবে। [75.7%](#) এরও বেশি প্রাপ্তবয়স্ক নিউ ইয়র্কের ব্যক্তি সবগুলো টিকার ডোজ গ্রহণ করেছেন, এবং [68.8% এরও বেশি প্রাপ্তবয়স্ক ব্যক্তি](#) সবগুলো টিকার ডোজ গ্রহণ করেছেন (CDC) - এবং এক্সেলসিওর পাসের এই সমাধান শেয়ারকৃত স্থানগুলো, যেমন অফিসগুলো খুলে দেয়ার ক্ষেত্রে সহায়তা করবে, এবং সেইসাথে এসব জায়গাগুলোতে ফিরে আসা মানুষদের জনস্বাস্থ্য সুরক্ষিত রাখবে।

আগ্রহী নিউ ইয়র্কের ব্যক্তিরা epass.ny.gov ওয়েবসাইটে গিয়ে এক্সেলসিওর পাস প্লাস সম্পর্কে আরো তথ্য জানতে পারবেন—যেমন NYS এক্সেলসিওর ওয়ালেট অ্যাপের মাধ্যমে কিভাবে একটি পাস সংগ্রহ করতে হবে।

এক্সেলসিওর পাস প্লাস সম্পর্কে কিছু তথ্য

- এক্সেলসিওর পাস প্লাস আপনার কোভিড-19 টিকাগ্রহণের রেকর্ডের একটি নিরাপদ ডিজিটাল কপি এবং ব্যবহারকারীদের ডাটা গোপনীয় ও সুরক্ষিত রাখা হয়।
- এক্সেলসিওর পাস প্লাস আপনার কাগজের CDC ভ্যাকসিনেশন কার্ডের (CDC Vaccination Card) মতোই হাতের নাগালে থাকে, আপনার কোভিড-19 টিকাগ্রহণের একটি যাচাইযোগ্য রেকর্ডের জন্য টিকাগ্রহণের তথ্যের নিরাপদ অ্যাপ্লিকেশন সরবরাহ করে যেখানে টিকার ধরন, টিকাগ্রহণের সাইট ও তারিখ উল্লেখ থাকে।
- এক্সেলসিওর পাস প্লাস [স্মার্ট হেলথ কার্ডস ফ্রেমওয়ার্ক \(SMART Health Cards Framework\)](#) ব্যবহার করে নির্মিত এবং যেসব স্থানে [স্মার্ট হেলথ কার্ড \(SMART Health Cards\)](#) গৃহীত হয় সেসব স্থানে নিরাপদে, সুরক্ষিতভাবে ব্যবহারের জন্য উন্মুক্ত, আন্তঃব্যবহারযোগ্য মানদণ্ড রক্ষণ করে।
- নিউ ইয়র্ক স্টেটে যারা তাদের কোভিড-19 টিকা গ্রহণ করেছেন অথবা নিউ ইয়র্ক স্টেটের বাসিন্দাদের মধ্যে যারা নিউ ইয়র্ক স্টেট এবং নিউ ইয়র্ক সিটির নিরাপদ ইমিউনাইজেশন ডাটাবেসে প্রবেশ করানোর জন্য তাদের টিকাগ্রহণের তথ্য নিউ ইয়র্ক স্টেটের স্বাস্থ্যসেবা প্রদানকারীর কাছে জমা দিয়েছেন এমন ব্যক্তিরা এক্সেলসিওর পাস প্লাস সংগ্রহ করতে পারবেন।
- এক্সেলসিওর পাস প্লাস এ ক্রিপ্টোগ্রাফিক স্বাক্ষর রয়েছে যা যাচাইকারীদের কাছে প্রমাণ করবে যে এটি নিউ ইয়র্ক স্টেটের ইস্যু করা আসল ক্রেডেনশিয়াল এবং এটির কোনো ক্ষতি বা পরিবর্তন করা হয়নি।
- এক্সেলসিওর পাসের মতোই, এক্সেলসিওর পাস প্লাস [এক্সেলসিওর পাস ওয়েব পোর্টালের মাধ্যমে](#) অথবা বিনামূল্যের NYS ওয়ালেট অ্যাপ দিয়ে অ্যাপ্লিকেশন করা যাবে, কিন্তু 2-ফ্যাক্টর অথেন্টিকেশনের জন্য একটি কার্যকর ফোন নম্বর বা ইমেইল আবশ্যিক হবে।

- এক্সেলসিওর পাসের সাথে ব্যাপক সংস্থান সহ একটি হেল্প ডেস্কের ব্যবস্থা রয়েছে এবং যাদের স্মার্টফোন নেই তাদের জন্য প্রিন্ট করে নেয়ার সুযোগ রয়েছে।
- বর্তমানে ইংরেজি ভাষায় পাওয়া যাচ্ছে, আগস্টের মাঝামাঝি সময় থেকে আরো কিছু ভাষায় পাওয়া যাবে।
- আগস্টের মাঝামাঝি সময়ে এক্সেলসিওর পাস প্লাস সহ সব ধরনের এক্সেলসিওর পাস গ্রহণ করার জন্য এক্সেলসিওর স্ক্যানার অ্যাপ আপডেট করা হবে।
- কোনো ব্যক্তি যতগুলো পাস পাওয়ার যোগ্যতা রাখেন ততগুলো পাস সংগ্রহ করতেও সাথে রাখতে পারবেন, যেমন এক্সেলসিওর ভ্যাকসিনেশন পাস, অ্যান্টিজেন পাস, PCR পাস, এবং/অথবা এখন, তাদের এক্সেলসিওর পাস প্লাস, এবং শুরু করার জন্য epass.ny.gov ওয়েবসাইটে যেতে পারেন।
- এক্সেলসিওর পাসের মতোই আপনার এক্সেলসিওর পাস প্লাস কখন দেখাবেন, দেখাবেন কিনা, এবং কিভাবে দেখাবেন সে সিদ্ধান্ত আপনার - আপনার এক্সেলসিওর পাস প্লাস দেখানোকে আপনার CDC ভ্যাকসিনেশন কার্ড (CDC Vaccination Card) শেয়ার করা হিসেবে ভাবতে পারেন। যেকোনো ব্যক্তির সব সময়ই বিকল্প ধরনের প্রমাণ, যেমন তাদের কাগজের CDC ভ্যাকসিনেশন কার্ড (CDC Vaccination Card) ব্যবহার করার সুযোগ থাকবে।

ডাওন (Daon) এর CEO, টম গ্রিসেন বলেন: “অতি প্রয়োজনীয় পারিবারিক ছুটি কাটানোর জন্য অথবা কোনো অনুষ্ঠান বা কনসার্টে যাওয়ার জন্য ফ্লাইট ধরার মতো আমাদের প্রিয় অভিজ্ঞতাগুলো পুনরায় ফিরিয়ে আনতে লোকজনকে সাহায্য করার জন্য নিউ ইয়র্ক স্টেটের টিমে অংশ নিতে পারাটা ডাওন (Daon) এ আমাদের জন্য একটি সৌভাগ্যের বিষয় বলে আমরা মনে করি। বিশ্বব্যাপী এক মিলিয়নেরও বেশি মানুষ ইতোমধ্যে তাদের জীবনের যাত্রাপথে ভেরিফ্লাই (VeriFLY) এর উপর আস্তা রেখেছেন এবং আমরা নিউ ইয়র্কবাসীদেরকে তাদের যাত্রাপথে সাহায্য করার প্রত্যাশা রাখি।”

MITRE-এর চিফ ডিজিটাল হেলথ ফিজিশিয়ান এবং VCI-এর একজন কো-লিডার, ড. ব্রায়ান অ্যান্ডারসন বলেন: “নিউ ইয়র্ক স্টেট এস্পায়ার স্টেটজুড়ে নিরাপদ কর্মসূল, ব্যবসা প্রতিষ্ঠান, স্কুল এবং পর্যটন তৈরিতে সহায়তা করার জন্য প্রত্যেক ব্যক্তিকে তাদের নিজেদের স্বাস্থ্য সংক্রান্ত রেকর্ড সহজে ও নিরাপদে অ্যাক্সেস করার সক্ষমতা দেয়ার জন্য VCI-এর লক্ষ্য শেয়ার করে। স্থানীয় পর্যায়ে এবং বিশ্বব্যাপী অধিবাসী এবং পর্যটকদের তাদের নিজেদের স্বাস্থ্যের গল্প বলায় সহায়তা করার এবং উন্নাবনমূলক প্রচেষ্টা অব্যাহত রাখার অংশ হিসেবে নিউ ইয়র্কের স্মার্ট হেলথ কার্ডস ফ্রেমওয়ার্ককে (SMART Health Cards Framework) গ্রহণ করায় আমরা আনন্দিত।”

মায়ো ক্লিনিক প্ল্যাটফর্ম (Mayo Clinic Platform) এর প্রেসিডেন্ট এবং VCI-এর একজন কো-লিডার, ড. জন হ্যালামকা বলেন: “গত 40 বছরে আমরা মানবগুলোর শক্তি সম্পর্কে জেনেছি। আমরা অত্যন্ত আনন্দিত যে এই সহযোগিতা এমন একটি পরিবেশ সৃষ্টিতে সাহায্য করবে যেখানে নিউ ইয়র্কবাসীরা এবং ব্যবসা প্রতিষ্ঠানগুলো ভ্রমণ উপভোগ করতে পারবে এবং নিরাপদে কর্মসূলে ফিরতে পারবে।”

মাইক্রোসফট (Microsoft) এর চিফ আর্কিটেক্ট এবং VCI-এর একজন কো-লিডার, ড. জশ ম্যান্ডেল বলেন: “স্মার্ট হেলথ কার্ডস ফ্রেমওয়ার্ক (SMART Health Cards Framework) VCI-এর আস্থা ও স্বচ্ছতার প্রতিশ্রুতিকে তুলে ধরে। বিনামূল্যের এবং উন্মুক্ত মানদণ্ডের উপর ভিত্তি করে নির্মিত এই ফ্রেমওয়ার্ক স্বাস্থ্য সংক্রান্ত তথ্য জানতে চাওয়া, সংরক্ষণ করা, এবং শেয়ার করার একটি নিরাপদ উপায় প্রদান করে। অধিবাসীদের সুস্থিতা নিশ্চিত করা এবং নিরাপদে পুনরায় খোলার ব্যবস্থা করার ক্ষেত্রে নিউ ইয়র্ক স্টেটের প্রচেষ্টায় অবদান রাখতে পেরে আমরা গর্বিত।”

বৈশ্বিক বিক্রয় সংস্থা, ম্যারিয়ট ইন্টারন্যাশনাল (Marriott International) এর সিনিয়র ভাইস প্রেসিডেন্ট, ট্যামি রাউথ বলেন: “পেশাজীবীদের সাথে সাক্ষাত করার জন্য উন্নতাবনী মিটিং সমাধান এবং ঐচ্ছিক স্বাস্থ্য প্রটোকল সরবরাহকারী ম্যারিয়ট (Marriott) এর আস্থার সাথে সংযোগ করুন (Connect with Confidence) উদ্যোগের অংশ হিসেবে আমাদের মিটিং প্ল্যানারের গ্রাহকদের জন্য নিউ ইয়র্ক স্টেটের নিরাপদ এক্সেলিগেন্সের পাস সমাধান সহজলভ্য করতে পেরে আমরা রোমাঞ্চিত।”

###

আরো সংবাদ পাওয়া যাবে এখানে www.governor.ny.gov -এ
নিউ ইয়র্ক স্টেট | এক্সেলিগেন্সে | press.office@exec.ny.gov | 518.474.8418

[আনসা বক্সাইব করুন](#)